

Neun hundert vnd sieben vnd zwanzig Tausent.  
 Drey hundert vnd ein vnd funffzig.  
 Bleub mir / ich hats mit wis erfahrn /  
 Man kan gar manche müh erspahn /  
 Wenn man mündlichen vnterricht /  
 Wol mercket / vnd verachtet nicht.  
 Wer aber auff seim Kopffe sitzt /  
 Gar billich desto lenger schwitzet.

Darauff folgen nu Exempla von kleinen vnd grossen  
 zalen aus gedencwirdigen Historien.

## Die Jarzal vom anfang der Welt / bis auff Christi onfers Heylandes Ge- burth vnd Menschwerdung. 3 9 7 0.

Das sind: Drey tausent / neun hundert vnd siebenzig Jar.  
 Das ist die bestimpte zeit / darin Gott seinen Son zu senden  
 verheissen / auch seine zusage krefftig erfüllet hat / Galat. 4. daraus  
 wir seine Treu vnd Warheit kennen lernen / vnd wid allen kum-  
 mer vnd zweiffel / mit dem lieben David aus dem 33. Psalm getrost  
 singen vnd sagen mügen: Des HERN Wort ist warhafftig / vnd  
 was er zusage / das helt er gewisz.

## Des Tempels Salomonis vnkosten zu bawen / nach des Theodori Bibliandri verzeichnis.

1 3 6 9 5 3 8 0 0 5 0. Cronen.

Das sind: Dreyzehen tausent / Tausent mal tausent.  
 Sechs hundert vnd fünff vnd neunzig tausent mal tausent.  
 Drey hundert vnd achzig tausent / vnd funffzig Cronen.

In diesem grossen Kirchenbaw des Tempels Salomonis / ist  
 fein